

Sharon Rose cu gratitud na tur cu a sosten'e



Mi participacion den e di 40 edicion di Festival di Tumba tawata un experiencia fantastico y inolvidabel pasobra mi por a conta cu e sosten incondicional di tur cu a hasi mi participacion bira un bunita realidad. Pesey mi maximo gratitud ta bai pa e siguiente personanan: Primeramente mi compositor **Martin Quandus** pa un composicion excepcional cu a pone mi briya riba escenario, mi a sinti mi hopi identifica cu e tumba aki. Mi areglista **Raoul Piar** cu mi gradici pa su pasenshi, comprension y pa su talento sin limite y cu un perfeccion inigualabel. Tambe mi kier gradici **Tirso Coffie, Jairo Evertsz** y tur mi amigo musiconan di **Rincon Boyz** cu a tuma mi como famia y cu a respalda mi cu henter nan curason y nan talento. Coristanan di Rincon Boyz pa nan excelente harmonia den voz y e seccion di brass cu tawata fenomenal. Danki na boso tur pa a acepta di companja mi. Tambe **Diego y Anthonie** pa e bunita trabao di mi sjimis y somber. Mi makiyistanan **Audrey Curiel y Lili Farro** pa un trabao te den detaye y splendoroso. Un persona cu mi gradici grandemente ta : **Angie Coronel** cu sin su mahestuoso trabao y creatividad du e decoracion di mi sjimis , toverstok, makuto, etc., mi lo no a gana e titulo di Cantante miho bisti. Angie danki di profundo di mi curason pa bo pasenshi, dedicacion y trabao incansabel te laat den marduga pa bo hasi un trabao complete y cu perfeccion, pasobra ta asina bo ta traha y punto. Bo a pone mi sinti

relaha y confia. Nanette danki pa e bunita halanan, nan tawata tin magia den nan di berdad! Tambe mi ta hopi content dip or a conta cu e respaldo total di henter mi famia y mi fanaticada. Na mi dushi ruman muhe Olgita y henter su famia pa nan amor, Karin, Anthony, Edwina, Maya, Tante Ingrid, Hans, Alejandro, Daniel, Laida, abuelo Chucho, Cesar, Iyanla, Ilhan, Emma, Anchelino, Tico, Tabitha, Shaitza, mi dushi mama Olga y mi tata Piet y naturalmente tur hende cu a bin apoyami den Entertainment Center riba e anochi grandi aki, danki pa a bin comparti'e cumi. Danki pa tur e palabranan di elogio y apoyo ora mi a bai gana rond den public despues di mi presentacion. Tambe mi yiunan y mi primanan na Hulanda cu ta mi hada madrina nan cu aunke leu toch tawata meimei di nos cu nan ideanan.

Mi no por keda sin menciona mi valioso patrocinadornan cu a hasi un diferencia gigantesco den e proyeccion di mi participacion den Festival di Tumba 2010: **MARIETJE PRINTING** pa e fabuloso trabao hasi riba mi t-shirtnan di promocion cu un calidad halto, manera semper Marietje Printing so por. Tambe na mi gran amigo **RW** pa su desenjonan super unico di mi t-shirt y banner. E sa cuanto mi ta balora su Amistad. Na **Retraco** pa mi banner cu a causa hopi furor mes, calidad y profesionalismo ta lema di Retraco. Tambe mi ta gradici mi casa Hubert y mi yiu muhe chikito Rachel pa tur cos. Un dnaki na Chibi van der Hanst, Angie y Olgita pa e bunita portret nan.



Durante e di 40 festival di Tumba

Minister di Cultura Michelle Winklaar a topa tumberonan



B/11